

Vah bouxbien Bouxraiz Yangzyangz seizneix doeg yenzgiuswngh, bouxraiz Liengz Gingyi seizneix doeg siujyoz haj nienzgaep, song de faenbied aeu Cuengh Gun song cungj sawcih sij faenzcieng, bouxbien yawj le raen bien Sawcuengh doengladlad, bien Sawgun hix ndeindindi, ndigah youq banj neix aeu Cuengh Gun song cungj sawcih doiqciuq daeng song bien faenzcieng de, hawj caezgya ndaej caemhdoih yawj.

Gij Saeh Siengsim Daxdaiq

外婆的伤心事

□ Yangzyangz/羊羊

Daxdaiq gou ra mbouj raen geij duz gaeq, dauqdaej miz geijlai duz ra mbouj raen de cix mbouj rox. De mbouj doegsaw gvaq, ndigah ngamq rox geq ndeu daengz cib. Caenhueng baenzneix, daxdaiq ngoenzngoenz bae geq gij gaeq de miz geijlai duz. Ngoenzneix banhaet, de geq sat ngamq miz cib duz, hoeng bingzciengz geq daengz cib duz lij geq caengz liux ne, de cij rox miz gaeq mbouj raen lo.

De yug baenz haet, cungj mbouj rox ndaq bouxlawz, ndaq baeg liux cij ndaejgeiq bae coih bakgamx. De cix coih cix damzbyoedbyoed: "Hangz gou mbouj rox geq soq, caeg gij gaeq gou bae baenzlai duz." Gou cam de: "Mbouj raen geijlai duz gaeq?" De naeuz: "Haujlai duz."

Gou fwt siengj riu, gij gaeq aiq senq loem lo, hoeng daxdaiq ngoenzneix cij rox gaeq loem. Gou miz di huj, daxdaiq baengh gip nyapnyaj, ndaem di reihnaz cijndaej ciengx gou

hung, daxdaiq gou yienghneix haemzhoj lo, lij miz vunz damdoz gij gaeq de. Daxdaiq cuengqrengz coih gij bakgamx duz- gaeq, lau duzgaeq ndonjdeuz. De ngawz lai lo, duzgaeq okdaej mbouj ndaej, hoeng vunz hauejbae ndaej ha. Gij gaeq daxdaiq mbouj raen, de sim' in raixcaix, de ngamq rox geq soq daengz cib, soq mauhgvaq cib, couh mbouj rox dwg geijlai, cijrox dwg haujlai haujlai lo.

Gou sawqmw siengj daengz, daxdaiq caemh rox geq gou mbouj youq ranz geijlai ngoenz dem, de rox ndeu daengz cib ndwi, baenzlawz geq ndaej gou mbouj youq ranz geijlai ngoenz ne?

Bouxraiz dwg Gvangjsih Minzcz Dayoz Vwnzyozyen 21 Gaep Cunghgoz Yijyenz Vwnzyoz (Cunghgoz Saujsu Minzcz Yijyenz Vwnzyoz Fuengyiengq) Conhyez Ban Sozsw Yenzgiuswnghbanh hagseng



外婆养的鸡丢了几只,具体丢几只外婆不知道,外婆没上过学,数数只能数一到十。尽管如此,外婆每天都要清点鸡的数量,今天早上,数完刚好十只,可通常数到十,是数不完的,这才发现鸡丢了。

她骂了一早上,也不知道骂谁,骂累了才想起修围栏,边修还边絮叨:“欺负我不识数,偷我那么多鸡。”我问丢了几只鸡,外婆说好多只。

我竟有点想笑,鸡可能早就开始丢了,只不过丢到今天,才丢到外婆的算数水平内。我很无语,外婆靠捡垃圾、种边角地才把我养大,我

外婆已然这般境况,竟然还有人惦记她的鸡。外婆很努力地修复围栏,生怕鸡再跑出来。她好傻啊,鸡是出不来了,可人进得去呀。外婆很伤心,觉得丢了很多鸡,她只能数到十,多于这个数字,便是很多很多。

突然想到,外婆也会数日子,数我不在家的日子,她只能数到十,她怎么数我不在的日子过去了几天呢?

作者系广西民族大学文学院21级中国语言文学(中国少数民族语言文学方向)专业硕士研究生班学生



Gij doxgaiq haengjgyaez gou haenx lai lumj bwnvaiz, lumjbaenz: Gij daehbit ndeiawj, vadanqaz gyaunde, meuz iq dwggyaez. Hoeng ceiq hawj gou simgyaez dwg duz gaujlah baengz nyib haenx.

Duz gaujlah baengz neix cix gig daegbied, de mbouj lumj doengh duz guhcaemz doih nei, vihmaz baenzneix gangj ne? Aenvih daj gou roxsoq hwnj, de couh itcig buenx youq henz ndang gou. Yaek gangj de dwg gvaq gyawz daeuj, gou cix lumj geiqndaej dwg youq aen gih duz guhcaemz baengz ndawde geb okdaej.

De daengx ndang hoengzmaeq, ndang raez 15

Gij Doxgaiq Gou Haengjgyaez

我的心爱之物

Gveigangj Si Cinzdangz Gih Mungzgunguh Cin Liuyui Siujyoz Haj (1) Ban Liengz Gingyi

贵港市覃塘区蒙公镇廖瑞小学五(1)班 梁庆钰

lizmij, gwnz aen gyaeuj iq de miz song cik rwz buenq luenz, cungqgyang song duj rwz hwnj byomhau yungzywdywd, gwnz fajnaj de miz doiq da luenzlulu, lumj naed duh giugwzliiz nei, lij miz aen ndaeng iqet ndeigyaez dem. Gwnz ndang ne, cungjdwg hoengzmaeq, cijmiz naengdungx hwnj bwnhau, gen ga hix dwg hoengzmaeq, mboujgvaq angifwngz miz didi hau. Ntang bwn de yienznaeuz yawj hwnjbae cocadcad, hoeng fwngz lumh de vanzlij dwg unqnupnup ne.

De lij dwg duz yawj gou majhung. Moix daengz banhaemh miz fwndoek byajraez, gou couh got de ndaetndaet, de hix lumj nai gou: "Gaej lau, miz gou ne!" Hawj gou roxnyinh sim' onj. Mwh gou bungz daengz laekgaek gannanz, de youh lumj gangj: "Gaej doeknaiq! Aeu saenq swheij!" Hawj gou youh dauq miz saenqsim.

O, gaujlah iq gou, lwgda de lumjbaenz dwg lwgda rox loenghfap, song da unqswnh yawj gou, naeuz hawj gou aeu daihdamj aeu genhciz roengzbae.

(lauxsae sonyinx: Ganh Gezmeiz Cinz Haijyangz)

我喜欢的东西多如牛毛,比如:精致的笔袋、艳丽的山茶花、可爱的小猫咪。但是我最心爱的是一只考拉玩偶。

它可不是一只普通的考拉玩偶,为什么这么说呢?因为它从我开始记事时就一直陪伴在我身边。至于它是怎么来的,我依稀记得是在某个地方的娃娃机里夹出来的。

它几乎全身都是粉色的。它的身高约有15厘米。小脑袋上有两只半圆的耳朵,耳朵中间有着白色的绒毛,脸上有着一对圆溜溜、像巧克力豆似的眼睛,和一个可爱的小鼻子。身子呢,都是粉色的,只有肚皮被雪白的绒毛覆盖。四肢也都是粉色的,不过手心有一点点白色。它整体毛发虽然有些粗糙,但摸着还是很舒服的。

它还是我成长道路上的一位见证者。打雷下雨的夜晚,我都会紧紧地抱着它,而它仿佛在说:“别害怕,有我在!”让我感到安心。每当我遇到挫折、困难时,它又仿佛在说:“别气馁!要相信自己!”使我重拾信心。

哦,我的小小考拉,它的眼睛像是一双魔法眼,它们温暖地注视着我,告诉我要勇敢要坚持不懈。

(指导老师:甘杰梅 覃海洋)